

REGIONAL NEWS UNIT
ALL INDIA RADIO GANGTOK
BHUTIA NEWS BULLETIN

BROADCAST: 18:50 HRS

DATE: 22/05/2024

LOK SABHA 7TH PHASE

Lok Sabha འོས་ཤོག་གི་ གྲས་ ༧ བོ་ ༣་ ༡ གཙམ་བ་ མངའ་ཕྱེ་ དང་ དབུས་གཞུང་ རོ་འོག་ ཡུལ་ཚུའི་ ༡༠༤ འདི་མི་ ཚུ་ འོས་ཤོག་ ཐོང་རང་ ར་ བབས་ཏེ་དང་།

འོས་ཤོག་ འཛིན་སྐྱོངས་ གི་ གསུང་ཏེ་དང་ ༥༧ གཙམ་བ་ དབུས་ གྲུང་ཚོགས་ཁང་ ཡུལ་ཚོགས་ ཚུའི་ དོན་ལས་ ལྷོང་ཕྱག་ ༡༧༠༥ གཙམ་བ་ འོས་མི་ ཚུ་ གི་ འོས་ཤོག་ གི་ མིང་ཐོག་ ཡུལ་བོ་ ཨིན།

ཞིབ་ཐུང་ རྒྱབ་ལས་ འདི་ རྒྱ་ལས་ ༡༥༤ གཙམ་བ་ མིང་ཐོ་ ལེདམ་ ཏེ་དང་པོ་ ཐོབ་པོ་ ཨིན། གྲས་ ༧ བོ་ དོན་ལས་ June ཚེས་ ༡ ར་ འོས་ཤོག་ ལྷག་ཤང་ ཨིན། གྲས་ མཐར་མའི་ གི་ འོས་ཤོག་ འདི་ ར་ UP དང་ Punjab 13-13, WB-9, Bihar-8, Orisha-6, HP-4, JH-3, Chhattisgarh-1 དོན་ལས་ འོས་ཤོག་ ལྷག་ཤང་ ཨིན།

འོས་ཤོག་ འབྲང་ཁ་ འདི་ June ཚེས་ ༤ ར་ རྒྱབས་ཤང་ ཨིན།

COUNTING PROCESS MEETING – NAMCHI

འབྲས་སྐྱོངས་ ར་ ལྷོ་ལྷུབས་ འོས་ཤོག་ ༢༠༢༤ གི་ འོས་ཤོག་ འབྲང་ཁ་ ལོ་ ལོན་ཕྱི་ འཛིན་སྐྱོངས་ གི་ ད་ཤིགས་ རྒྱབས་ ཏེ་དང་ འདི་ འབྲེལ་བ་ན་ རྣམ་ཚེ་ གི་ རྫོང་དཔོན་ དང་ རྫོང་ཁ་ འོས་ཤོག་ འགོ་བརྗེད་ ལྷ་ལུ་ལས་ Anapurna Alley གི་ མན་འདྲ་བོ་ སྲིད་བྱས་ ཚོགས་པོའི་ འོས་མི་ ཚུ་ དང་ མཐུང་མི་ ཚུ་ མཉམ་ཚེ་ ཚོགས་བསུ་ གནང་བོ་ ཨིན།

ཁོང་ གི་ འོང་མཁན་ ལྷ་བོ་ ཚེས་ ༢ དང་ ༤ June གི་ ཉེམ་ ར་ ཐོན་མཁན་ འོས་ཤོག་ འབྲང་ཁ་ གཏུག་གི་ མན་འདྲ་བོ་ ད་ཤིགས་ ཚུ་ མགོ་ཐོ་ གྲས་གི་ ཞིབ་ཐུང་ དང་ འབྲེལ་བའི་ ཡུལ་ཚོགས་ ཚུའི་ དོན་ལས་ འོས་ཤོག་ འབྲང་ཁ་ རྒྱབས་ཤང་ hall ཚུ་ རྫོང་ལས་ ལོན་ ཡུལ་བོ་ ཨིན། རང་གི་ གསུང་ཤང་ ར་ རྫོང་དཔོན་ འདོན་ ལྷ་ལུ་ལས་ Ananth Jain གི་ EVM དང་ ཤིག་ཁང་ འོས་ཤོག་ ཚུ་ འབྲང་ཁ་ རྒྱབས་ཤང་ གཏུག་ form 18 རྫོང་ལས་ ཤེས་ཏེ་ ཡུལ་ལན་ ཏེ་དང་ འབྲང་ཁ་ རྒྱབས་ཤང་ འདི་ལོ་ ལྷོ་ལྷུབ་ གཞིགས་ཏོབ་ གི་ ཏེ་ཚུ་ལ་ རྒྱབས་ཤང་ གསུང་བོ་ ཨིན།

རྒྱུ་པོ་ police འགོ་བརྗེད་ Dr. T.N Gyatso གི་ traffic ད་ཤིགས་ དང་ འོས་ཤོག་ འབྲང་ཁ་ ལས་ཁུངས་ མཐའ་སྐྱོར་ན་ ཞིམས་ དང་ ད་ཤིགས་ རྫོང་ལས་ འབྲེལ་ཤང་ གནང་བོ་ ཨིན། ཁོང་གི་ མན་འདྲ་བོ་ སྲིད་བྱུང་ ཚོགས་པོའི་ འབྲས་མི་ ཚུ་ མཉམ་ཚེ་ མི་སུར་ སྲུང་སྐྱོབས་ ཉར་ཉར་ རྒྱབས་ཤང་ ལྷིག་ཀྱ་ དང་ གནས་གཏང་ ལེདམ་ བཟོ་ བཞག་ཤང་ བསྐབ་བྱ་ གནང་བོ་ ཨིན།

འདི་ རྒྱབ་ལས་ སྲིད་བྱས་ ཚོགས་པོའི་ འབྲས་མི་ ཚུ་ མཉམ་ཚེ་ རྫོང་ཁ་ འོས་ཤོག་ འགོ་བརྗེད་ ཚུ་ གི་ རྣམ་ཚེ་ གཞུང་འབྲེལ་ གཞུག་ལག་ ལོབ་ལྷ་ གཙམ་རང་ ར་ བཟོ་ཏེ་མཁན་ འོས་ཤོག་ འབྲང་ཁ་ རྒྱབས་མཁན་ ལས་ཁུངས་ གི་ གཞིགས་སྐྱོར་ རྒྱབས་པོ་ ཨིན།

TRAINING COUNTING OFFICIALS

སྐང་ཏོག་ རྫོང་ཁ་ འཛིན་སྐྱོངས་ ལས་ཁུངས་ ར་ བཞག་མཁན་ འོས་ཤོག་ འབྲང་ཁ་ གཞིགས་ཏོག་པོ་ འབྲང་ཁ་ རོགས་རམ་བོ་ དང་ རྒྱང་རྒྱང་ གཞིགས་ཏོག་པོ་ ཚུ་གི་ གྲས་ གཞིགས་པོའི་ རྒྱང་ དར་ གི་ ཉེམ་ གསུམ་པོ་ ད་རིང་ མངའ་ཕྱེ་ གྲས་ གཙོ་འཛིན་ རྒྱང་དར་བོ་ ལྷ་ལུ་ལས་ འཛིགས་མེད་ དབང་ལྷུག་ བོ་ཏེ་ ། གི་ འོས་ཤོག་ འབྲང་ཁ་ རྒྱབས་པོའི་ ལྷ་ལུ་ལས་ ཞིད་ཚུ་ལ་ བཞག་དགོས་ཤང་ རྫོང་ལས་ གསུང་བོ་ ཨིན།

གྲུང་ཁང་ འབྲེལ་ཕྱི་ ཞིམས་ ད་ཤིགས་ རྫོང་ལས་ གསུང་བཞན་ ཁོང་གི་ EVM ཤིག་ཁང་ འོས་ཤོག་ གཏང་མཁན་ ཐབས་ཚད་ ETPBS, དང་ འོས་ཤོག་ ལྷུབ་ཤི་ གི་ ཐག་བཅད་ ཤེམ་ གཏམ་ཚུ་ རྫོང་ལས་ ཏེ་དང་ གྲུང་ཏོན་ གནང་བོ་ ཨིན།

རྒྱང་དར་ ལོན་མཁན་ ཚུ་ ལོ་ གྲུང་ཁང་ རྒྱབས་མཁན་ table གཏུག་མི་ དང་ རྒྱང་རྒྱང་ གཞིགས་ཏོག་པོ་ གི་ རྒྱབ་ལས་ རྫོང་ལས་ ཏེ་དང་ འབྲེལ་ཤང་ གནང་བོ་ ཨིན། ལྷོ་ལྷུབས་ འོང་ཤོག་ ༢༠༢༤ ར་ འོས་ཤོག་ འབྲང་ཁ་ གཏུག་གི་ དོན་ལས་ རྒྱབ་ལས་ གནང་མཁན་ འགན་ལེན་ ཏེ་དང་མཁན་ ༡༢༢ གཙམ་བ་ གི་ རྒྱང་དར་ ར་ རྒྱང་ལེན་བོ་ སྐད།

POSTAL BALLOT – PAKYONG

